

荀  
河  
詩  
集

笥河詩集卷十三

大興朱筠竹君

乙未

陳體齋檢討旋攸作詩贈行

相憐二十二年情同歲如君  
目淡成燕岫看餘人遠遠  
湘波思處水盈盈著書白首茫然久拂袖紅塵瞥爾輕  
此後若爲三楚憶更無絲竹有音情

賢豪聚處古難量况乃中年別較長  
計齒加時貪日景送人去後薄花香  
晚餐須飽神仙字老淚母酸木石腸  
五十還山差可羨偶然林下見何妨

贈克裕師

吾友陳伯思看畫相國寺古桃花一枝粉褪若無字紅  
紅色逾媚妙以淡得異入座語老宿識之亦此意飄飄  
十年外燕市遇而憇曰將觀五臺金蓮雪裏植神燈夜  
萬萬商英老所記此去陵寒巔千里一身試渾忘指若  
膚何墮與裂忌行行遊無生文殊師利侍廻觀九馱境  
出入寂慮思浮生年幾何過去忽已已憫忠一鴻爪奔  
驥去何駛送師海棠落空色色空識

五月十四日得石君自清風店寄詩明日逆之廣

寧門外和韻持示

聞聲思爾遲榆轂隔夕濂瀦路如沐得書子憩清風騎  
呼羣我趁盧溝鶩江南去已五年憶山右歸仍千里目  
固知誓已甘莧藜未免看人苦簞朴奉盈自料不喪七  
竭誠人說能求牧天教車馬役休休日向咳除光昱昱  
握手今朝喜動眉觸緒中年痛入腹殷勤須惜雨兼風  
閱歷都平笑與哭官共還鄉且復佳老始讀書不亦惡  
庭中草木君當歌郊迓先傾一斗漉

石君再入爲翰林侍講學士聞之疊前韻誌喜并  
索和詩

四馬駢駢告止轂今日彈冠喜新沐

九重再除池復鳳一篇申賀贊喻驚憶余官職初入手  
同爾翰林真比目子西名連方伯率我南實掾司徒朴  
使者或癖揚侯軒仙人偶戲黃童牧相憶連枝夢裏親  
久隔花磚天上昱

朝廷今需四庫書文學老讓五經腹可能讀史辨豕河  
且免作吏驚虎哭歸田排日良盡歡稱職同官差不惡  
載醪書屋吾親題飲酒莫辭巾百漉

送蔣新仲太守

熊昌

出知潁州

我初京兆偕譽髦二十六柏堂飲醪

歲乙丑蔣曉滄師方尹順天送諸生

入學觴之府堂

子之先公實知我命賦雙玉誇兩豪再試於鄉

驚識子丹脣翠目人人褒子先騰足我蹇後眼前千里  
駢與駒中間風呼走塞上鬼面山壓羊腸逃猙獰詰屈  
玉人別清詩徹耳聆九臯十載褐衣釋相慶兩家冠素  
憐同號

甲申子與新仲同丁外艱

君來又歸擬招隱我出再聚歌告

勞蒼茫往事那可憶中年哀樂自寫陶子乎才器必世  
試久久摩拂出寶刀卽今潁川古劇郡

詔許乘傳馳旌旄我昨採風憑軾過悍俗治要需公曹  
民之狎豈懦於水或激而躍天能滔畏而我愛曰父母  
牛羊踐履心忉忉其間風日最清美歐蘇老去情餘饗  
會老堂前水小涸雌雄杭比煩臨濠若築西閘更北閘

啟閉清潁工堅牢兩湖立成斟夏潦潁人飲德非關邀  
焦陂荷花蟬并噪隗壁金甕鴻無磬汝陰名士定復起  
便便經腹捫如磬從獸水邊夢已協飛鱣堂上榮非叨  
政成當濟再世美餘施及我欣同袍柳亭葵亭稱一一  
天嫗策不徒名高仁人贈言曰豈敢一杯洞屬臨岐操

魏郎東山述婚

畢萬繇成比鳳凰六同六間月相當一輪美滿三宵望

兩兩梧桐影上岡

吉期六月十九

潞水東通渠水津翠帡照澈綠蘂新朱陳王謝年年好  
我亦烏衣坦腹人

徐溥亭九十

榮啓期風今未墮先生攬揆試迎推香遲七夕芙蓉在  
味滿雙樽椒欖回便擬揮絃招子野共看抱業問申培  
何緣一棹東方住通路亭邊人溯洄

慕堂太僕懷祖吉士招集法源寺避暑次魚門韻  
秋後捫碑約上房先尋熟寺卧僧牀共言青石礫題字  
又勝黃華蘭若香狂有醒時聊樂飲遊無熱客卽追涼  
年年日日能來往老死何須羨伯陽

裕軒學士小園看荷阻雨不赴疊前韻同諸公作  
釣魚臺畔逸仙房吾輩頻來甘下牀半畝傾樓消寶氣



一彈流水衣荷香深慙高鶴天遊穩敢忘清蟬夕噪涼  
進履有期驚已後西山雨脚怨朝陽

送湯生修業之廣東和石君韻

賓鷺上舍奉二親閒居既終禮畢四十始出應試嘗  
著書辨其鄉前輩鄭謙止先生之冤獄乙未與予相  
見於日下樸哉古之學者也其秋七月中澣有粵東  
之行爰次舍弟石君韻作詩送之

識子不敢囂送子烏能默聞昔素衣人執禮甚悃實偕  
母隱寧迂在親許非直三廢四方志一懼百年側閒居  
論前史深嫉不測蜚濯蓮污泥中苦心出蒹蕀願起古

人骨爲傳垂天翼招魂物與方來享此辜  
福感彼罔極  
讒動我傷心盡誰傾靈鳥巢光斷好人  
禰希有不負蒼  
怪哉呼獄黑越代得子辨亦曰鄉人職  
再朞隙駟過自  
南抱書北口額金閭開角折土伯鬻愛  
子善善心驚子  
絲絲織是當薦逸才豈獨發幽德燕酒  
未持尊粵遊忽  
甞軾重見期丁年努力遠登陟

石君以詩索佐飲之具秋暑未能也戲答緩之

樂酒過予斷五秋吾家莫有韻羹侯携持水釣邨遊舊  
檢點風清月白謀潯雨何堪盤餽釘涼天略待樹毗劉  
芙蓉看罷還看菊一椀茶先潤吻喉

石君再以詩來索飲答之

佳日難逢春與秋  
醉鄉自作小諸侯  
輸班擇肉飛而食  
慕庾爲鮭行且謀  
薇採如堪偕弟叔  
酒供便擬誓妻劉  
龍頭邀瀉非君事  
短句姑聯高結喉

翁覃溪先生旣校黃集任淵史客季溫三注又合  
無注詩八卷校成付刻乙未六月十二日或持  
舊抄本有鄱陽許尹序及目錄無闕乃再拜告  
公像作詩見示次韻奉答

山谷三氏注合之自今年別有八卷詩不入三家箋翁  
先生校之眞識非引牽吾雖未卒讀心知所以然乙未

四庫盛羣公校連翩

武英活字板祕本重注詮鄙陽

許尹序若涉水要船三書任二史此篇冠其顛六月十  
二日孰持序來前公以是日生校者操槩鉛寫成適付  
刊毫髮天體全爰設公像拜謹告陳其編作詩識顛末  
公靈示因緣此事至佳話我爭得覩先公初遊蘇門四  
學士源淵詩則曰蘇黃兩照相懸旋其詩更入杜奧妙  
工成篇譬啖諫果味久之舌甘焉或爲空青石光不珠  
璣連以石喻則玉玉又日之烟竒之莫可狀江西祖派  
傳誰解死骨買我勉古心鞭學澁者不成紛紛浪自賢  
翁先生紹絕一一永永肩校之何勤哉此集從此鏤吾

欲告好事萬錢百人蠲剗厠準宋本紙印布以宣知者  
人一卷精神通山川要之溝谷氣無絕長縣縣涪翁與  
桂老不二心出泉

吳采貞女早失母年十七許嫁外王父母之孫陸  
寬乾隆元年丙辰寬死守貞時二十有一行日

大雪吳人悲之

竹徑孤生桐半岡雪深人往斷呼蒼外王父母如依母  
中妹婚喪竟執喪

梅標魂吟二十過椿靈歲看八千當卽今縣卜論冒世  
淒絕于飛有鳳皇

仲秋三日約石君來飲疊前韻

處暑同迎得意秋，麴生可望酒泉侯。  
吟蓮影在頻逃戰，酌桂香空竟伐謀。  
桂月無桂徒取飲耳相比鶴清難作軾，未知龍  
嗜且爲劉。不審弟近喜何食隻雞近局須傾注，莫遣長髯笑搯  
喉。

乙未八月卅日爲城西之遊分得正字

乙歲漸凋葉殷秋，將畢令連車卽西南。  
清夢自求覓城角，三唐寺橋痕萬福。  
名元宮北偏燦清流，西下爭古物。  
有換移空光得兼併人，非往時來遊極。  
今朝盛七人野間步，一峰天際正芙蓉。  
冷零落淪漣照華靚，墓柏疎可

坐丹竈近宜請小睇桔槔灌旋樂壺杓聖水部詩難期  
騎省字誰政編集辨聲響摹印閱名姓清談聚不惡溫  
克飲非營月黑漏迫關泥深巷愁弄低徊增昔懷倘佯  
適本性秋餘尚勉出風聲從此勁

爲陳健僊

秉銓

題介胄圖

人生落地無青蚨妄想顛倒難合符讀書不樂何區區  
偶然學劍貪笑虞不聞介胄乃餓夫經生青紫拾不迂  
寧必仲生投筆趨桓生稽古榮豈愚孰是孰非孰有無  
陳生示我圖狀殊左手持書口若吁搖其右手心腳蹶  
謂此物誤我太拘不如老兵盲目珠一丁不識已則殊

醉行偃偃何用扶首戴背披不負軀足了此生復何需  
子之達命謨信訐若要論定立斯須我爲子歌子舉隅  
東籬黃華泉明娛阮公好問步兵厨叔夜之鍛歲月逾  
子知其意有閒憮驪駒在路歸驅驅蜚蚓勸學蘭陵儒  
富不如貧玉人芻武夫愧子冰雪膚大江水觀子心孚

沈唐節婦輓詩和石君韻

沈以徐子祀其流乃共源我與徐世婚中表連沈門節  
婦沈冢婦支子嗣厥根又娶女呂氏吾姊自出存交親  
隱相悉一脈悲斯恩三十載辛勤鞠此飛文鴛未亡一  
朝亡義無負始婚夫之弟三嘆自柶符外論幽閑畫頸



鵝專一樹背萱斯人林下風彤管無溢言非緩日有待  
表德來原九天聲高聞引之自其跟

九月十三日顧星橋舍人招同諸公爲陶然亭補  
登高之集歸飲舍人寓齋分得之宵雨韻

昨徑西山雨看山雨過時

十二日自山中冒雨歸

陶然一面好翠

色七人怡寒露仍暄暖

明日十  
四寒露

重陽又約期登高休厭

數聊可誦新詩

紫玉邱邊客黃金臺下招扇揮先姓顧樽治小名嬌蟬

味蒹葭影醪情蟋蟀宵賞文還析義月散落疎喬

是日  
舍人

細君蒸蟹供  
客坐客咸飲

爲平瑤海同知同年題還丹駐世圖

平君遠胄漢相當長我六歲同年行先以庚午偕仲舉  
文社把臂相頡頏三年吉士館操筆學書業異酒共忙  
丁丑君拖墨綬別上房遊罷驅莊康飄搖八年入報最  
涕淚慰我麻衣喪俄延君佐五馬轡南海南看金搏桑  
中間消息君服走謝老未許東山藏干支甲乙又十二  
壯夫屬我君蒼蒼下車排戶徑長揖寒溫俯仰增蒼茫  
嗟哉予仲墓草宿雪霰相見酒在旁與君呼飲感往事  
朱顏難駐當年郎人生此名度賢聖老矣萬卷撐皮囊  
君笑起立手畫卷大丹我有旋蜨蛭松根枯坐松然始

巽火牀下風微滄鼎空有色麗人見靈感五采中衣黃  
壹志不回七情定後天而老騎雙鳳鳬乙交定鴻羽化  
飄飄至樂甘於飴我知此意君語妄惟澹無欲非荒唐  
衆夫營營一屏絕長年內視中有光消磨朝暮間詩筆  
隨意所足歌滄浪中歲哀樂付流水落落大者敢不獲  
春花目成秋月顧寄情粉本雪沃湯君丹成時吾休矣  
當歸早服毋徬徨

爲王延書姊丈題畫卷卽送之太康

大姊已未歸君家我年逾幼髮結了再歲哭姊河沿屋  
君試報罷父母嗟生死離合百難說郵馬今又旋京華

我亦日烹鮎魚竹見子呼酒聊共譁屈指五十君六十  
雞兒年數烏輪差君言少小發妄想園亭十畝長種花  
一花開後一花落提壺盧喚飲且誇子弟剖果吾姓事  
他時得此亦孔嘉十年面皴人磨墨三省腹餓官趨衙  
楚狗有竇折腰走黔驢無技開口呀前年包掘入棧道  
性命呼吸拋三巴嵩室山川百繚繞蹇足無力躋雲霞  
洛陽名園亦邱土富貴花見羞自遮舊想飄搖此身老  
書生夢斷前根芽行名畫工箴吾妄吾意氣在君歌邪  
我感君言述君世王家大第官街斜懷清母節再世美  
尊甫名士噎齒牙君文大能官則小沈淪未使元精瑕

人生一飽間十醉柳下切宜早些些無害於人足保世  
四令自享天光奢名花所到艷供目勝處意結吾園色  
莊生偶舊不材樹陶令且製頽齡葩六親雪霰見可喜  
千里契濶途非遐君須行樂勿苦語上馬拍手健兩脰  
秋陰而雨憶彼文鳥

沉陰激回風木葉墮如雨感茲纏綿意一往不可聚連  
宵人入夢玉顏羞媚嫵宛轉情萬端嚴冬忽生煦覺來  
空中聲拉雜撼我宇重衾豈其單偃仰或側俯蕭蕭薜  
荔叢不見文鳥舞目成遺余音交頸共堂廡鳩媒何方  
來不好告覩縷五采衣飛飛棄我心自拊黃昏約孔明

忠信在肺腑衆口易鑠金微裂摧搖柱古琴一朝碎何  
況鳴樹羽音顏色欲傾漂泊浩無主徒倚遲日暮尋響  
以索武風止室無人伊威行踽踽

吟舫洋菊浸開克一以詩見投和韻答之

三徑荒餘八九間歸來猶是未還山循墻紅葉蘿痕古  
坐砌黃花鞠態閒數撼風聲庭樹老略加霜色鬢毛斑  
玉川破屋何妨有差喜君過共掩關

已感金英滯薄寒旋疑月影爛銀盤海風吹蕊烟中種  
夢蝶穿籬醒後看零落年來七萬卷沈吟窻外兩三竿  
此花此屋人如昨若悟將心與汝安

圖裕軒學士前以詩招遊園居依韻答之

纍月旣嬾出書亦閣之束今茲閏不寒冬遲覺秋速減  
減幾夕風木葉半乾綠遙想西南郊空濶要縱目遊招  
生喜騰詩催死懼觥惆悵春來駒幾負阿一曲樓憶曉  
小蜩蛙駭人大菰荷難追夏涼菜定甘冬蓄奚其君平  
鄉無乃子真谷心乎醉欲往况公折簡贖吾徒臭味同  
問遠真嗜欲言鋪黃花茵並坐籬根屋

董逃行

白雲蓊蓊興於越山下有仙人著書叅同井水渥丹人  
生日壽五福希後天而老耄與期疇其先之七十稀駕

鸞之文鳳有采秦時仙人詩六朝以後爛爛江復海虎  
與謝歌星辰仙妃遊戲娛上真自今元元七千餘歲桃  
之華天池春

十月七八日同遊釣魚臺圖學士園亭歸而有作  
和覃溪前輩韻

看山何必近淡乃轉勝濃扣泥堆長坡上有行人蹤一  
水明於鏡斜浸天西峯吾徒五六人散手不杖筇東南  
古釣臺掩映神仙壟茲遊初冬後微暖妍景供卽從園  
中飯飽我霜地菰

風遲一夕過木葉留殘黃秋雨多壓塵及此可愛光主



人矜野菜至味新宜嘗液飲受霜甘色沃帶土香馳驅  
赴郊約不憚向朔涼壺榼旣以聚稅馬在鹿場樂哉同  
心語呼酒一再行固知淡成者非必言其傷

頻頻此園過數四豈一再樓傾斗室成寂坐更無礙却  
立中央軒兩坡一泓對夕明冰池月曉鏡春山黛今茲  
冬未寒波鳥聲偶碎潑刺三尺鱗伏影流泉內適從無  
心遊邨聞所怪吠此間趣日成且喜田歲旣先生百事  
辦取足咬根菜

第七姪女適劉輓詩

季夏月旣望看荷我遵潞先兄嫁長女去家一水泝劉

氏舊德門舅姑憐汝婢如何此來視卧榻驚我顧促語  
不能舒去去心自惡念汝生長清二十甫初度八歲母  
早殞質弱缺調護兄折妹旋摧洗面珠淚涸十八冰泮  
期禮成薄家祚我行江之南汝父訃疑誤信定判一慟  
憐汝病將痼傷心我母疾乳患汝又迂歸來視汝顏不  
華色已露蘭蕙當風隅未霜亦可怖閒思善人亡短長  
理相互庇根及遺息汝命或當固頗聞兄弟愛病憶語  
逾苦鵲鵲行雖搖鴛鴦澤且姻人生足衣食日月勉自  
娛誰云秋徂冬汝影竟迫暮十月下旬四曉夢若余訴  
是日仲銘未宿玉局詞寧戒金瓠花落秋亦春年悲新

又故吾情夫何堪哀樂聊爾悟

送王懷祖

昔我謁文肅與中英物暫抱持出塞門解愛盤峰缺早  
知松柏根茯苓芽必中厥父典三禮子實精其說乙酉  
子

賜舉計偕歲丙戌任幼植主我子來晤姚婉春試丑連  
卯屢深門外轍共子持酒樽識字譚孔訥許君堂室奧  
表位施綿叢我南子留北辰春罷去竭其年在太平冬  
杪子我惻開陬遊橫雲岡脊白龍龍華陽真逸隱龍蟠  
穴泉冽更觀互浮沈燭讀永昌碣還登府子城遊蹤指

曲折下有萬竿竹亂壓小山雪我方敘說文資子口存  
舌辨體音必兼影響窮蚊蚋聲五色亦五北鵠和南鷺  
要令江南士通經字爲揭春試子暫歸夏息我逃熱子  
又渡江來兩箇軒坐設我承四庫令綱書廣張翥大集  
異等生館倚青山峯傳抄千萬本唐禮子精閱晚暇入  
竹根削筍觸蠃黽時交目飛鴻戲奕取其拙數當風月  
清握手步高埒相眄七柏老古影千年逝江山六朝州  
他時此憶絕煥寒幾何時我冬使節撤諸生送江邊忽  
與采石別子待我邗溝蜀岡梅蕾裂覆孟城角船載子  
朔風柂齊東竅正號趙北冰已渴近臘稅轂下下楊子

之嫖掃滌椒花庭除啓碧桐闌我甘歸識字理董仗子  
哲子言許氏書形意事契筭假借古說精諧聲流弊劣  
川居卽中州山增或大咧依聲心有羞托事禮司徹古  
今諧借殊始背終隔阂又有轉注一考老訓互綴要之  
形聲訓六書密而啓父子許義昭兄弟徐音滅陽冰好  
大乖次立校徒列李燾韻補五一亥部遭螫然死唐前  
灰伐餘漢初襲其間小學家注疏一一掇法當收散失  
非一手足烈書成曰攷異計功竊稷禹我旣奇子言鱗  
爪先漏泄半載卒二卷大樹蠹敲鴛我亦時一鳴砌隙  
應蜻蛚飄飄玉堂夢送子風雨颺閣校雖要賢名山業

恐輟乙夏遷城西香爐巷蹙蹙遲子三日見英華自愁  
痛矧茲萼鱸思歸飛快蟬蛻良友之我遐臨岐心惓惓  
我有白玉瓚大酋治麴蘖必也六物兼我心醉口噉亦  
嘗采黃山嘉蔬取名鼈何當烹肥羜膏薤奪蘅藹豈不  
嗜飲食不如子書牋乃知五味成在瓠薦酒浼子別我  
我留書成我則悅我之思子來成書子真傑昔易書詩  
分文字百遺子諸師路塞茅絕學誰探竈在禮敦贈處  
母曰懷安褻懷土豈曰宜君子氣母茶今冬徂明秋兩  
丸跳蹶踣良工冶必爲子來旦旦誓雖傷亦聚歡勿忘  
在執筆勗哉大其學世鼓傳魯薛

石君弟歸來卜居與予屋比作詩誌快卽用覃溪前輩贈弟詩韻中以避家諱及二十三等不同用一字爲換兩韻凡三十八韻

道契大鵬徙境偶小駟寧不隨雙鵠遊兼取兩禾秉山  
西盼子歸街南卜屋頃百年人幾何連牆榻可並冬讀  
亥子丑春娛陬如病歲歲今伊始怡怡昔自省我志甘  
采阿子懷息釣潁初生盤屋曲旋鄉日月永終南翠在  
胷冀北奇空境文擬雄出蜀詩學韓過嶺挑燈意寥寥  
擁被夜耿耿同床呵羅文異軍磨毛潁紀傳愛孟堅注  
疏嗤邢曷此樂婚漸乖日遊宦難併使維螭象搜觀衡

祝融騁行者帽出坡居人騎戀井出麾歲庚庚別淚月  
炯炯子行七里灘我立雙槐影五載哭掘闕二星覲暇  
整神未臺駘守仙先黃鶴警每當物烟動能以心鑑靜  
鴈隼今毋乘蕙苾疑竟屏西人子愛溫南江我役冷發  
情迢迢吟感遇萍蓬梗伯存仲忽逝子丁我則丙四鳥  
悲分巢三足憐支鼎思深山崔巍色黯華梅杏何由得  
見汝所願不敢請我歸非代瓜家食喜截餅子泛寧定  
舟欲攬乏長綆樹美棠鄂不地懷鹿噉町嘻故鄉錦晝  
孰予歸裳褰恭逢

德恩深勇退急流猛玉堂清夢共涼雨疎聲領辛勤寸



椽基礪重晚香景鶴鴿雲外聲蝴蝶籬邊醒人眞墮笭  
吹徑不羊求迥卽拚老讀書差宜閒闕茗

李廣銅印歌汪秀峯席上分賦

八百人血飄輕雨漢飛將軍印出土君身銅符佩有神  
虎項金鈴射能取覆斗紐小寸約略李廣兩字刀新作  
他年熊子羽共吞後日禹孫纍獨斫七郡太守官號沈  
七十戰餘六十侵畫地戲爲射濶狹摹印悲哉文刻深  
禍大數奇竟誰誤亡雙材氣人如故軍中名姓必親鈐  
幕外精醪催上簿老壯衰餘印未喪燈前傳視顏都愴  
似聽龍門三嘆聲誰發蟲書千載葬綠花繡蝕丹文眞

客賞不識重細論今宵莫放杯百瀉灞陵醉尉欲留人

乙未閏十月廿五日椒華吟舫舉消寒之會瓶中

浸月季花庭院所折枝也卽席分賦七言限仄

字

北枝寒畏雪霜摧斗室微烘地蘊煤花月月紅驚觀閨

客年年老悟吹灰

是年十一月朔冬至

三秋艷應文禽格七日香

遲忝谷回首種兩叢吾所獨瓶邊誇絕嶺邊梅

京師月季花冬

無露植者惟余庭中有兩叢然寒不能圻瓣以故瓶中折浸之

寄物無端心溯洄大椿小草意恢恢瓶中縱得金丹汁

紅處何堪爍炬灰十二宮還蜂繞萼三千色界雉聞雷

道人久已忘開落聊共諸君酌古壘

潞琴行爲汪秀峰賦

衛人斲桐桐音完浙人絙絲絲音單碧軫黃徽太和字  
刻曰潞國之世傳神宗弟子嗣封一製雅琴百舞六佾  
十三陵氣黯不佳哀哉王孫摧斷漆金牛湖畔銷聲去  
鳴雞埭上靡音聚梨園寡色醉天謠濮流盛響哀江賦  
百六陽九天阨真九節度潰四將軍梅嶺援臣空有鬼  
史閣部初議立  
潞王常芳不果  
冷泉檄客更無人三百年來廣樂歇寧  
琴發始潞琴卒遺音太古樂臞仙印月小川慟肥佛琴  
絃神純玉體美全城之命活君子思陵御物擲何存廣

海孤生抱而死此琴蹤跡杭人得親傳手澤心心刻一  
彈松柏湖草青再變徵宮海門黑時平人老年復年囊  
塵柱朽虛壁懸引酒誰澆怪哉土臨風若訴鞠通絃無  
端哀樂聲聲潞名琴難得琴師遇吾情欲移東刺舟此  
材莫是西麋樹

石君以石華魚遺我卽用其饋魚於友之韻

三受降城古東勝河套折處河曲交保德水立三十丈  
負河而浴曲背蛟塞外萬艘漕此入觸壁漂粟天雨拋  
粒漬壁罅石華長河魴河鯉藏其坳五穀之精乘石氣  
呼吸魚腹肥生膠何年貪夫釣而旨脯擘鱗鳳獻板郊

前代土貢歲成例味越北菌兼南苞季也官西食坐嘆  
七載痛惻獻人敲旋官玉堂遺愛在故吏遠報雙魚翼  
曰此依蒲在藻種非同鼠腊燕石滑甘疑崖蜜蜂据拮  
美殊旅穀沙礪礪頰尾脂凝婦談虎冰腹綃結人泣鯨  
子誦斯言惠殘鱸我欲不食學繫匏宵寒酒暖客在坐  
流涎相索謀無殺馮生方且賦彈鋏管子空爾誅包茅  
斟雉仙餐慕彭老貢桃龍負咄蒲梢此魚我欲人亦欲  
調劑五味丁寧庖惟宜點湯候熊熟莫須作膾等鱸魚  
菊花英殘梅花蕾得魚下酒誰予嘲朔風吹射海大顛  
更買巨骨穿強膈

關東秦皇魚  
行入饌矣

王孟端緱林亭秋色圖吾家韜六舍人所藏同賦  
圖中有孟端五言古詩一首且自識云士文李  
君精於醫素蒙惠藥餌今秋雨新霽體力稍佳  
几上偶得此紙因寫林亭秋色圖奉寄謝意并  
賦詩於上時永樂壬辰中秋前十日也按孟端  
洪武中被徵以事累謫戍朔州十餘年永樂初  
以善書薦供事文淵閣十年拜中書舍人明年  
扈從北京又明年卒於官舍然則永樂十年壬  
辰正拜中書舍人之歲作此圖越癸巳甲午二  
年遂卒嘻李士文之以藥餌得畫於孟端未足

以塞報孟端也

九龍山人學倪迂永樂十年官中書一幅林亭寫秋色  
拜官歲作骨已臞半生累戍病菱涉歸悟養生畫山攝  
莫坐幽居叢桂旁江上飄然身一葉遙巔秀看林腰凭  
惠泉不似似秣陵眼中空濶胷中癖朝罷黔公喚不膺  
好雨晴來減病質力佳紙潤揮毫逸感君半七乞一枝  
親識中秋前十日明年扈蹕燕京去再歲雲煙道山路  
斯圖浪報李醫瓊詩云卷之持贈君非敢稱報瓊他時枉裂簫商素猶  
記最高峰頂滑心醉首回天際鬣蕭騷紅落欲無聲黯  
淡皴痕見此札張壁如新四百年珍仍薇省後來賢一

團瓢底從牛汲不必名山吾穩眠

王舍人墳謂園中亭子似牛車棚故及之

觀鍾蔗經先生宛遺像作詩感逝

乾隆十年初稱第一流彥吾鄉鍾礪瑕南北所冠弁我  
年十八九側耳想識面疑疑文勤公首薦三禮選初試  
國子師郎官儀曹轉文勤典宗伯得屬喜而抃曰吾鍾  
君賢布被不慙軀塊北宣武街閉戶曲臺換客或闕其  
齋不曾手舍卷聞過陳詹事憫忠寺角旋

國朝有掌故口瀉急渦漩我輒從杖履臘過陪春膳齒  
讓客益溫鄉人慕不憚一朝引年去子舍養就簞吳會  
麗佳哉歉歉故鄉戀天京幾紛華秀貌俗腸煽鄉先生



行矣架架愁改。何昨辛卯仲冬我役江波。濺旣稅金陵  
阿上上攝一綫。彎環最高峰。圭笏臨江。指還當謁偉人  
令子職。賓餞直入黃堂。寢台背坐。老籤先生聞我來。倒  
屣領微顫。握手忽忘年。明燈酌罍。龐曰子鄉之傑。吾老  
快子睠相勉。古學者山水共攀援。太守聽無聲。余曰先  
生倦良遊。雖欲之不敢前。請瑗再拜辭去。去翠螺皺堆  
絹。一日三仰山相思。步使院忽蒙長者札。雙鯉魚躍泉  
下。言歲零落。別子百縑。縑上言慰子問舊聞。夙所擅同  
鄉諸老宿。人物志寫。繕繇王兩家書。厥功能鳩倖。請噉  
其大者。可傳疇作傳。康熙文靖相尚。王子未譴疏寒吳。

賊膽天鉞利用剽亦有高大理廷對陳情便願身代父  
戍誠感疾執券此忠一孝一大勇色不變子其載筆書  
光燄長燧燧我識先生約耆舊傳必踐歸來書未草梁  
木駭折箭循環札在篋老成言孔誤亾何遺像來落我  
涕潛潛側聞先生手經穴禮互穿噫嘻鄭君注賈孔其  
屬眷漢唐字法壞訛冠等鞢線開成石雖存注疏刊未  
徧昔聖徵器物在殷路周覓下士浪鑿空剗削古堯  
陳敷累妄庸醫藥成疰癰遂來句讀師大放小則更先  
牛本修身所得頗博衍遺編惜未出圖之名可揣蔗經  
喻食蔗搯末本必連漸入境乃佳低聲哦若嘔吐詞與

舉足非此戲猥狎交通旁亦推至味心自羨是之曰甘  
受在口不能選斯圖先生在後進式頗偏往者引虎賁  
形貴禮不賤鬚眉皓如昨經訟莫共讞良辰小春閨暢  
月圖手展我詩述先生寒梅好風扇

簡河詩集卷十三終

箭河詩集卷十四

大興朱筠竹

丙申

哭龔愛督

蘭香焚盡玉膏煎  
變滅樓臺思惘然  
貴婿無端爲異物  
龔生乃竟天天年  
九秋枯病芽難茁  
三夜親情夢不旋  
渡藥何關人命駐  
浮生到爾似吹烟

叔也相看但索吁  
鵲鵲原上勢真孤  
兩兄福若同輕羽

一子華先隕斷壺山  
鬼疑投經歲壁

乙未十二月四日  
有乩仙降詩云與

子定期三日後  
仙人扶引上蓬萊  
果以來正三日卒

湘人定泣幾盤珠  
吾將老矣

筍河詩集

卷十四

堪聞吹絲竹中年計已迂

牡丹

愛餘翻欲涕潺湲誰見開  
陬國色殷每爲紅粧遲曉日  
祇疑繡被卧寒山花無富貴  
相忘意人感春冬忽變閒  
籬落永嘉心醉後年年看爾  
自知難

再平金川謁 陵巡岱幸魯旋蹕郊勞禮成詩一

百八十韻

維武定功象曰師容民畜衆安八陲

皇帝聖神天無私一矢初發金川遺四衛  
拉特伊犁犁闕二萬里遠莫比自東徂西張  
四維成 武德七高軒

機我戰則克正斧斯嚮者福鬯背威幾有兩金川狀蜃  
蠃一首二身湯網跂旣服而安行自危十年促浸獨跳  
踦革布什咱相抵巇郎卡讐門中外蛇九土司攻久而  
疲促浸築礮守屢屢觥角一闕解鹿麋歲在辛卯戕革  
夷攬厥婦走狴以狻敢抗不恭辭孔詖狡兎負嵎蒙虎  
皮

詔溫福桂林勦之么麼蠢動

帝曰嘻師非得已九伐敷兩路克賊將詆欺予縶示罰  
人知候僨拉悉平獲臙膜縛僧格桑父以縲溫福木果  
木軍移攻得昔嶺占壯頗賊繞山背逐人駭實殞我將

李詩集 卷十四  
惡獍鴟

皇帝赫怒賊父尸貳負磔軀重竿旗

詔定西印阿桂持豐昇額明亮副裨羽林壁壘馳嶇崎  
開闢蜀道青天巖吁江源外金沙碕黑水南入穿屨屨  
五丁未蹠巨靈噉連雲一壁穴魑魍萬石無理强拄撐  
髮痕破裂曲溜澌人躡之上蟻與蚍荒林蒙葉雨泔瀝  
濫觴路絕惡風吹賊碣在上毒甚砒排石下擲瞰覲覲  
醜狀自喜險自支桓桓將軍誓翦夷紅衣礮向無噉噉  
小醜魂魄滅若麋兩克資哩赤丹思遂復美諾曾頭剝  
亮德馬奈山窮崑午秋促浸遁醜醜械其俘妾頭人顛

四十年夏了口刺三年戈回一日曠達兩圖周五十奇  
明亮西路兵合茲茹塞麥田腴非畸四十里穀我師資  
噶爾丹寺抽厥齒遜克爾宗角之倚石真噶下礮聲迷  
附昆色爾緣螺螄拉枯喇嘛寺破蕤章噶礪外溝支甄  
木柵外輔中張齟齬人足噉猾可嗤柵拔溝架登九虺  
兩山峯踞木城陸馘耳折首沙爾尼巴占八九峯如錐  
繞上勒烏圖窺宦富德山腿雷轟遁賊飛支解空中飾  
轉經樓中光誤疑第四重砌地道奇箭鎗破柵圍勝基  
什扎古握琅谷祛西里諸峯火彈馳甲索甲雜手指摩  
薩爾歪寨行不櫟據索隆古賊巢羈雍中內應獲心脾



徑略獨松河西湄登巴布朗如蝦蟇面噶喇依坐其脰  
舍齊雍中兩寺綏五百餘卡平于砥富德舒亮軍杖箠  
會于馬邦行哉徠圖噶喇依環如規陸斷犀象水蛟螭  
百分剩一麗兩龜金川巢穴掃剋期索諾木喘延睫眉  
母阿倉姑阿青來頭人山塌爾亦廢諸軍四合三穴蹙  
火礮閃擲幕光燭市之大冶以饗炊日烏穢穢煮金鵝  
軍中火成土噉曬熏灼萬頭兩目睽賊兄岡達克赳赳  
敏牙乞降號吱吱留之師進賊膽虧無計鬼投走雄雌  
兄弟四三兩土妻二千屬出山嶠嵯奉印戴首膝行跬  
曰懼孥僂甘養廝計四十日井智圖獲索諾木阻入采

牽頸以練俟社宜軍樂凱行鏘謨龍獻俘闕下月先狴  
大功蕩平

天子毗諏告仲春 鹵薄儀 鑿輿啟日光罍恩車詣  
兩陵謁告祇桃花寺紅旗琴壺式告

東陵

祖福禔

西陵再展奠尊盧慙于南苑 屬車輦問

聖母安行諏諮 舟輶桐柏龍躔踞揚芬港上綠柳絲  
李杏漫發春遲遲

皇太后顧顏色怡西幸天津省鉉鉉淀海啟閉澤在哇

詩可詩表

卷十四

四

集言集 卷一  
麥隴兆穗灌沃滋

帝頻歲來甸萌僖自德遵陸燕齊岐 岱宗東秩靈威

祇

帝奉

聖母來迎釐青帝宮左日觀煊碧霞元君道家祠遍禮  
周覽翠鳳顙松撐瀑挂雲之而五老拱揖稱 壽祺荒

微寧謐

聖母慈爰 莅于交 孔林基 先師居近靈光歸受

成在學羹墻覽璧圖檜紐金絲齊

皇帝武奮文揆惟其言在經師意推壁書出魯昌 讀

時九擲 蹕旋循水涯 曲柄蓋尚留逶迤浮濟朔津  
復 玉墀孟夏下旬令始綈楊往雪來勞師詩卽今安  
石榴塹姿築臺良鄉昔勞西再定金川西南厓 賚將  
軍庸封有差金兜鍪甲光陸離

帝升于臺 賜卣卮百爾卿士冠垂綬來歸永久將軍  
窺

帝曰汝嘉功首議 異典加勞中外知殷盛天子述者  
誰別方三年三襲摧

皇帝振旅舜禹資一平西陲功何不再克茲醜中敬寅  
絕功謙讓書之碑無疆惟休

聖孜孜

小臣

敢稱韓愈詞我

皇正坐明堂治

再平金川謁

陵巡岱幸魯旋蹕郊勞禮成詩

維

清緝熙我

皇紹祚惟仁能好惟仁能惡

文德誕敷禹沿舜朔興于六藝廣張四庫

武功之成二萬闢路自東朔南天西全付

帝承

天休規展矩宇兢兢業業日孰予侮有兩金川僻西南

處在井之蛙蠱翹螽翥自國初年列土司署與九土司  
巢木作蠹明蟲動蠢不識霜露

天澤

天威耀鬻自坡在昔戊辰狼卡疾顧良吉阿扣斬狼而  
幃經略師壓噶喇依譚乞降

帝宥班師不戍十載野心四載垂咻鬪九土司稠築寨  
覲朝擾夕罷若賦芋狙狼卡乃死索諾木據革布什咱  
土司戕踣掠其婦歸惡甚殺縹與僧格桑厥初媚妬旣  
以匪比解戈歡醪促浸浸澶澶拉沮洳連大小川波浪  
抵牾敢傾大邦托吐蕃語誕謠孔狂維州橋渡

皇帝曰嘻汝旡予恕一虺不摧兩葉不去予勿大創邊  
萌賊恂封疆之臣肯磬或誤歲行辛卯

易將師遇溫福桂林兩道軍傳初克浪里美諾躡跡走  
僧格桑厥父來縛趨拉告平師行澮寫木果木軍捲甲  
而趣昔嶺越旦日旁取暮賊匿山背湧蟻出蛆我將遭  
戕賊醜且慟

詔戮賊父竿頭血罅西路全師六月甚咻

皇帝選將克壯利禦

命征西印阿桂佩繇副豐昇額明亮次屬兩路更進美  
諾再獲八旗火器飛鎗騰豹谷噶烏尼岡有不搏克羅

博瓦甲午春莫色朔普越跳喇穆阻歲又六月我師韎  
鞋履陟嶮嶢車縣馬束乙未進攻康薩爾鄉木思工噶  
拔鹿角封了口下壓狀旣雷注三年之功一日收足明  
亮日旁達爾圖附河西之路五十里還餘艤濟師橫溝  
焚炷並寨麥田我穀彼壑隔河聲聞軍裝我揀遜克爾  
宗掃背無慮石真噶險死守蹲踞中夜轉礮賊倦口呿  
明亮乘之克未達曙巴占未下師潛在濬上昆色爾奮  
迅過虞絕壑二分側足伯督拉枯喇嘛寺陡逾固我兵  
飛入矯起兩鞞菑則大海深壕躍勝嘻章噶碉賊計畢  
索碉外溝窅溝中柵柱薄土餌攻重重圍路我軍覺之



柵掣溝鋪板木得申賊自蹈獲折出巴占八九峯舉瞰  
勒烏圖徑畦園圃富德地道噶咱普作河南河北山腿  
火厝一線烈烈雷出地豫列缺轟空飛骸血霍舒常拔  
獻木城燠爐阿桂宵興轉經樓噓四礮五礮秘計籌署  
掘地出奇跂腐僵廌別遣水軍楚汭應募拏柵偪河路  
斷放菹甲爾日礮橋繩拽仆捆柴囊沙涉水而匍立建  
木柵偪賊無措刀矢所向賊遭泣瀾百帀十算洞燭穴  
踰八月當望金魄皓吐用夜合圍鎗聲漸續火礮落戶  
火彈穿樹金鳩頰烏戮朱烏嚟面之者爛背之者釋丹  
巴沃雜挾賊弟驚燎原奚撲光門蟾兔計亥子丑三時

戰苦入其虎穴窻牖開閨西里諸峯諸軍刀斲甲索甲  
雜莫我能悟木城三十索隆古赴指畫賊巢滅之朝餉  
則朗噶克敵效肝腑內應外攻獨松遂舉雍中舍齊諸  
寺省錄母倉姑青用禽載取四十一年丙申和布明亮  
河西氣奮力慎臨河當面巴布朗如壁立獐惡接營插  
韜遂迫馬邦諸軍相護師律邏迺士心諳諫礮擊中堅  
旁寒抄攄賊之母姑寄語惶怖兄岡達克詣營就捕繫  
其頭人破黨喪誦二月四日索諾木額二千餘人男女  
奔驅跪奉印信屬率骨肉孥戮丐命舉土上輸計圖之  
日日四十數五年斯得罪人見誦面縛始出兩足拖縶

露布以

聞紅旗肅羽

帝謁

東陵桃花寺

駐告于

皇祖玉璫莫託載告

泰陵受

皇考胙絜武克詰遠矣

烈謨

帝敬以承近畿

省藉氓畊麥田

皇祈雨雨鵠舟捫拍春霽霏霧奉

皇太后蕙膳晨拊

幸析津野周覽閭閻自德陸行免所過賦乃東

巡狩

岱宗九馭蒲輪上下器用匏瓠日觀東矚徂徠松挈熙

熙萬春祝

釐永祚究有靈光

闕里礧礧

聖人之居

華蓋曩駐今觀金絲槐檜餘慕受成在學魯泮鸛鷀  
九拜禮肅從臣瞻曠一揆在宥歌詠陶鑄乃踐

皇轍自津移輅四月下旬良鄉臺坵

皇帝幸之拜纛載與王公卿士典禮式助將軍來歸甲  
冑金鍍凱歌大作綺樂吹噓蜀棧幾萬颺祥噉昀儀隆  
抱

見醴醺孔饁

加爵酬庸

恩澤湛濡

皇帝還宮翌日俘具獻之

太廟

右社牽預

帝登午門三受酋累是奏軍樂雷鼙霆護端門之右繫  
頸十步司馬司冠職司

帝諭功成讓善

徽號廣譽禮畢

慶行四表擇愉緬茲武成

帝謨明佈

手撰四碑刻以金錯一置太學三建邊廂言之何詳

大訓垂裕美諾之碑侑德誠屢首旣趙拉促浸姦訃岐

身蜚蠊首鼠踉蹌惟僭惟僭不御者豈

皇天佑助再定如故南北家搆反覆尚懼勒烏圖碑將  
勇曰豉百計之成成以戰熾賊碣峻輾賊垣重輅一志  
并力何堅可擣噶喇依碑歸順明著伊索諾木窮乃投  
熒不克自焚生擒曷悟用告邊人斧吭疇訴惟太學碑  
聖敷乃素非日勤遠邊隙安錮我士我臣輶鳴穀穀視  
平淮西我將則愬何以表勲亦曰相度念軍人勞石側  
雪涸不得已用我士媿怒地險時稽詔後視古皇哉

聖製情見仁噢陋彼漢唐金石撫摹典雅在經厥詞惻

不誦之以喻小臣識司

絲綸條疏擬

聖德詩敢附奏

御

再平金川謁 陵巡岱幸魯旋蹕郊勞禮成詩

大武耆定惟我

皇二萬里闢天西蒼已巳金川網開蚤丙申銀漢星射  
狼攢拉小水偶騰沸促浸硬寨敢跳跟枝首虵忽九司  
嚼側目鷹能兩路塘由來

帝哲在選將卽看敵敗往斧吭蜀徼江源石插亂師行  
雪海風吹剛樸朔態狡營窟鬼恣睢臂橫當車螳定西



印懸竹節破宅南原燎火烈光深溝暫逃索諾木專首  
已致僧格桑竿人頭傳父澤旺繫屬書招母阿蒼再定  
美諾入戶闌爭扳喇穆擊鼓鑿硯卡重巖山兀兀索倫  
絕勇夫洸洸四五勘索曲樓上八九峯疊諸軍抗山腿  
賊飛雨驚血馬邦師斫冰沃湯拽橋斷援擊鍛索泗水  
薄敵沉沙囊八月清宵網元濟五年全部縣不羹紅旗  
遠指桃花寺玉瓚初薦

甘泉房卽因春

省布膏澤爰尊

岱祀迎

釐祥受成在學觀七壁

合符至德儀五鳳還

蹕析津河瑞協

正位瑤闕瞰暉長築臺良鄉

勞楊柳獻俘

大社封鯢鱣

徽號讓善

聖母壽殊封廣

慶薄海康惟

皇惕然勵乾健在昔包虎昭兵藏小臣簪筆隸右史願

躋

聖德期虞唐

古詩贈溫步容

北植睨修竹竹根自有心清風三夜吹若致青鸞音美人來海南淡于遠古琴霹靂走異彩回文抱中枕琴音亦喈喈鸞音亦惜惜何當聆此彈恍惚水仙情玉轡上遙波蛟龍不敢吟浮萍忽并合此意誰能尋我欲從青遊坐忘思沈沈水汨與鳥號震蕩心頻侵發感情無餘合契喻有深懷哉古逸客交手行竹林

文章妙手成無定亦有式淺者求其虛深者求其實江

河出濫觴源微流有力海川在首受博取看湜湜及其  
放乎海一呼通衆息滉漾風偶渙文生不自匿良木之  
始芽條理蘊柔色縱橫怪變態千曲成一直試尋旋轉  
紋髮髮分界域製之爲棟楹榮枯各適職我豈工罕喻  
子才比孫織七襄何時成舒彼鷺鷥翼

買蟋蟀放庭中有作

人去涼初入愁來寐不成  
巖疎誰苦韻淒切爾真情蟾  
影更都寂雞聲客尚征  
野童餉百足一任買秋聲  
頗難離羣意彌深遠道思  
機忘渾罷鬪情重若哦詩  
方類疇同調長宵不自持  
景陽殊苦雨蜻蛉滿堦時

贈別蕭山大父行鴻鍊翁

七年孤艇越人逢百歲全家燕市蹤江驛程期二橋月  
邱園魂夢半山松疲驢失徑公潦倒倦鳥知歸我敬恭  
淪淪朔風吹不住一樽別盡故鄉醴

送洋菊與張瘦銅舍人惠詩次韻

豈慕郊寒意轉親瓦盆餉得報詩珍清惟元露相鳴和  
淡與黃花互主賓窮海西頭遲月夜荒籬東畔履霜辰  
喧喧蜂蝶應無分大蔣中央坐小春

芮飛菴至自寶坻小飲話舊見贈有作次韻答之  
舊雨來看紅葉新卅年離會話情親城西七里流前水

寺北雙松老故人剪韭喜心翠客足甘梨狂態囁妃唇  
庭中摘梨飛菴醉後食之流涎輒嘆之不置故戲及之  
何因縮地南邨似近局烹雞與小隣

何數峯自輝縣拓寄元遺山湧金亭示同游諸君  
子石本適舉消寒吟會同作

碑末一行缺酉缺缺月崧陽王贊立石按酉字  
之上爲乙爲巳不可定今據詩攷之定爲金哀  
宗之正大二年乙酉作當宋理宗之寶慶元年  
也郝經遺山墓誌正大中拜鄧州南陽令是詩  
爲南陽令時作詩云山陽十月未搖落知其年

冬盡也又墓誌歲丁巳秋九月四日先生卒春秋六十有八然則先生生于金章宗明昌元年庚戌當宋光宗之紹熙元年是年乙酉年三十有六也越十年甲午而金亡矣又云六龍忽蹉跎有苙苙之悲焉宋元通鑑是年冬十月蒙古鐵木真伐夏取甘肅州西涼府十一月取靈州進次鹽州西夏將亾於時陝西告驚且逼矣故詩云長安城頭烏尾訛也又是年正月蒙古武仙聞彭義斌復山東州縣乃叛蒙古殺都元帥史天倪弟天澤時護母歸或告之天澤曰不

共國之讐死亦當往國王索魯卽命天澤嗣兄  
河北西路都元帥遂復真定故詩云并州少年  
夜枕戈也輒攷其本末較然無疑附之以詩他  
日更求拓本之清者辨之若爲乙酉則爲作詩  
之年刻石若爲己酉則是後二十五年元定宗  
皇后稱制之二年王贊追刻之者

何郎去遊百泉間拓石寄我元遺山燕都十月雪落片  
吟舫衆客酒泛舩湧金時亦冬孟至山西下下河流觀  
面目腹背此山繞霜縷萬髻冰千鬢蘇門山亭蘇老字  
一來觴咏蹤先賢太行不死元氣在風流照曜磨厓刊



緬惟德陵諒闇後大縣威惠城居專兵民十萬待擘畫

先生遊讌心愴然夏疆逼近鎮南閩國介兩國難爲安

盛名以詩壓坡谷放歌有句準杜韓麟書同泣注若海

馬昇早判郝陵川

先生卒于獲鹿弟子郝經以馬昇歸葬

山川如此不樂

飲仙兮跡爛笑爾頑大人先生嘯不還鸞鳳響絕空潺

湲孫登阮籍盡朽骨妙樞許衡紛彈冠野史亭孤三十

載此亭偶落先生前石工大書乙酉歲眼中隱痛海與

田亦知詩人意難識悲樂譎詭離騷篇蒼生安石竟何

濟殘局聽與風荷翻我徒傳玩重手札豈獨詩力針裹

綿蟬翼輕打愛好手石刻稀寂誇金源何郎別矣秋冬

還惜我不共遊百泉惜君不共來消寒手把紙本酒更  
闌懷人歲暮嗟無端

倪文正公秋山圖行

有序

先生自題云天啟五年八月寫於維揚舟次按  
公子會鼎所述年譜天啟五年乙丑三十三歲  
殿試充掌卷官奉節冊封德藩王驕先生正色  
譬之如禮事竣引疾中途繳節歸省母時璫燄  
日熾言則遺北堂憂故引疾歸也據此則夏初  
殿試又奉冊使秋八月歸舟次揚州正其時也  
嗚呼以先王之大節而小人惡稔姑且避之君

子之心可悲矣此圖不當以畫觀也

七歲隨親賦舟月水底青天句清越四十六歸製小舟  
若爲李郭追仙遊茲者揚州舟忽次年三十三職中秘  
使臣冊出折王驕孝子車廻將母淚是時歸思滿秋山  
大小淮山水一灣離騷招隱或自擬狂客乞湖未可扳  
偶然拈筆家峯似江岸沿沿度行李鳥影天頭耘白沙  
雲疊嵐腰覆芳芷千周百折面面青江南楓柏猶未零  
密林轉遠金虎穴短芽卽近白鳥庭先生微意圖中見  
百五十載驚過電勤王熱血望南都避殿冰心托東絹  
卷舒再四闕且開畫手何從得此來發發非風悲更寂

泠泠何色寒相催彼燎於原吾休撲秋水空空寫一幅  
青鞵布鞵古來心此畫何堪百回讀

顏魯公名印行

大字書者元次山小字書者麻姑仙顏真卿名不可刊  
正書書刻父惟貞草書書刻姪承明不以姓著曰真卿  
公名落落文文寶頗覺石多金則少誰歟得之清泗中  
名印守在曲阜宗覆斗紐小小篆跡兩字分明磨肯易  
青銅鍛來百鍊剛丹砂印出一腔赤惟公天寶名始通  
侍御史忤楊國忠天子不識公面貌名噪二十四郡中  
六合大同鑄靈武九疊告身押昭甫小印公家私記名

未向乾元紙尾譜在肅公名惡輔國在代公白元載黑  
真卿名奏舉朝驚誹謗橫鏤此印側太子太師德宗師  
藍面盧杞父執呼豈敢名公名益忌送公逆賊希烈屠  
嘻公之名賊逾貴天賜宰相將公敗罵賊稱名兄杲卿  
印竟同公縊帛佩公亾印復何從得越一千年土碧色  
人愛公名人殺公錯謬正文印反刻印底摩挲篆法微  
公干祿書六書追螭螭貌踞唐印罕同時孰與茲雄雌  
中丞間走號絕奇司農倒用莫敢疑聽其失者有裴度  
挈不還者曰李璣數公卓卓均無悔羣印紛紛那勝慨  
左藏官墨冶銷烟天教私印公名在嗚呼方回一印門

不開抱朴白章狼虎摧公仙吾謹佩公印不逢不若何  
憂哉

觀劉文正公書貫休夢羅漢語于黃小華脩撰寓  
齋云壬辰年作也感賦七律四首

師歸手澤儼如新昨夢吾猶識應真

乙未春夢公坐一室急治文書筠請

日師歸道山何事此答

為憶丁年秋字校

筠年十九以丁卯九月謁

公即呼校

幾沾卯酒曉編陳

每校書必為筠小設酒

玉闌帖詫尚

書課

辛未壬申間公退食必撫文衡山百餘字

白鳳文慙博士賓

筠時以諸生館公擬

甘泉賦體

天上仙胡官府足追陪無日涕翻巾

權公文更晉公詩後死能言詎敢辭點畫精由大事辦

偏旁講與正心期石人子削珠崖艸水馬兒抄玉局詞

公嘗手寫東坡水馬兒步步送流水句問筠此何蟲也  
筠對俗語謂之水秀才即指庭中魚盎水面有之因言  
知進不知退者似

此公領之以爲然趨趨迎流誰解悟累余連紙許楊思  
即君宦味上竿鮎書勇無前人則兼小米謹題爭力勝

大王掣筆讓名謙公自以爲書不率更鐵畫風原古明

允蓮顏詩更醺蘇氏父子同題吳道子畫弟子髫齡同

侍硯不圖雪意感兼兼

棘院看公定武臨辛卯春從公分校禮部試公臨烏闌

綠墨氣逾沈策條曲判通經意公書策諸經問試帖親

瞻愛士心公得程吏曹晉芳卷于筠房嘆虎鳳奇姿雷

賞其詩自書一紙徧示同列

爪取

公札在筠所著自江南還半失之

龍蛇絕聿狀頭任重珍莫但紗

寵碧此是東山傳碎金

河西橋輓詞

河西水石清可數直瀉天都溜如雨山三折水成巳字  
騎鸞真妃或姓許浙江名折千里清五湖九派通洞庭  
禹書可得字騰玉陶誥非曾丹吹巽官府神仙一片紅  
倚簫和笛看鳳龍寒冬遠郊托山骨河西橋外靈來靜



笥河詩集卷十四終